

"মিষ্টি বাচ্চারা - এই সঙ্গম যুগ হলো ব্রাহ্মণদের পুরী, এখানে তোমরা ব্রহ্মার বাচ্চা হয়েছো, তোমাদের বেহদের বাবার অবিনাশী আশীর্বাদী বর্ষা নিতে হবে এবং অন্যদেরও দেওয়াতে হবে"

প্রশ্ন : - এই জ্ঞানকে খুব ভালোভাবে বোঝার জন্য কি প্রকারের বুদ্ধির প্রয়োজন ?

উত্তর : - ব্যবসায়ী বুদ্ধি সম্পন্ন মানুষই এই জ্ঞানকে খুব ভালোভাবে বুঝতে পারবে । এ হলো বেহদের ব্যবসা । বাবা বাচ্চাদের রোজগারের বিভিন্ন যুক্তি বলতে থাকেন । বাচ্চাদের কাজ হলো পরিশ্রম করা । এমন যুক্তি বের করা উচিত যে, নিজেরও কামাই জমা হতে থাকে আর সকলেরও কল্যাণ হয় । বাবার স্মরণ এবং সেবাই হলো কামাইয়ের সাধন ।

গীত : - রাতের পথিক, শ্রান্ত হয়ে না...

ওম শান্তি । পারলৌকিক বাবা বাচ্চাদের বোঝাচ্ছেন, তিনি বলছেন - বাচ্চারা, আমি তোমাদের পারলৌকিক পিতা, আমাকে তোমরা ভুলো না । গায়নও আছে যে, গীতার ভগবান । বাইবেলের ভগবান বা কোরানের ভগবান কখনোই কেউ বলবে না । কোনো ধর্মস্থাপকরা এমন বলবে না যে, হে বাচ্চারা, আমি তোমাদের পারলৌকিক বাবা, আমাকে স্মরণ করো । এমন কেউই কাউকে বলতে পারে না । বাচ্চা জন্ম হলে বাবাকে জানতে পারে । সে বাবাকেই স্মরণ করতে থাকবে কারণ সে উত্তরাধিকারী । এখন পারলৌকিক বাবা বলছেন - হে আমার হারানিধি (সিকিলিধে) বাচ্চারা, এখন তোমাদের আমার কাছে আসতে হবে । বাচ্চারা, আমি তোমাদের পরমধাম, নির্বাণধামে নিয়ে যাওয়ার জন্য এসেছি । তোমরা ভক্তরা, আমাকে (ভগবানকে ) স্মরণ করতে । আমি এখন বলছি, তোমরা আমাকে নিরন্তর স্মরণ করো । আমি তোমাদের সুখধামে নিয়ে যাবো । নিজের মনে দেখো - তোমরা অর্ধেক কল্প কতো দুঃখ পেয়েছিলে । প্রথমেই কেউ এত দুঃখ পায় না । পরে দুঃখ বৃদ্ধি পায় । পারলৌকিক বাবা এখন বলছেন, তোমরা আমাকে স্মরণ করো । তিনি সমস্ত ধর্মের মানুষকে বলেন - -হে আমার বাচ্চারা, তোমরা নিজেদের ভাই - ভাই মনে করে এসেছো । এখন তোমাদের আত্মাদের যে পারলৌকিক বাবা, যাঁকে সমস্ত জীব আত্মারা দুঃখের সময় স্মরণ করে এসেছে - তিনি এখন ব্রহ্মা মুখ কমল দ্বারা তোমাদের বোঝাচ্ছেন । এ কথা বোঝানো হয় ব্রহ্মা মুখ বংশাবলী ব্রাহ্মণদের । প্রজাপিতা ব্রহ্মার কেবল কুমারীরাই ছিলো না, কুমার - কুমারী উভয়েই ছিলো । ব্রহ্মাকুমার - ব্রহ্মাকুমারীরা ভাই - বোন ছিলো । তারা একই বাবার সন্তান এবং একই দাদুর পৌত্র - পৌত্রী ছিলো । বাচ্চারা, তোমাদের সামনে বসে বোঝানো হয় । তোমরা সামনে বসেই সব শোনো এবং বোঝো যে, আমরা সবাই নিরাকারী শিববাবার সন্তান । বরাবর আমরাই ব্রহ্মার দ্বারা শিববাবার থেকে স্বর্গের বাদশাহী নেওয়ার জন্য রাজযোগ শিখছি । পরমপিতা পরমাত্মা ব্রহ্মা মুখের দ্বারা তোমাদের যা বোঝান, তোমাদের তা অন্যদেরও বোঝাতে হবে । যে লৌকিক ভাই - বোনেরা আছে, তাদেরও বোঝাতে হবে । তোমরা হয়ে গেলে পারলৌকিক । পারলৌকিক বাবার থেকে তোমরা অবিনাশী আশীর্বাদী বর্ষা নাও । তোমাদের পারলৌকিক ভাই - বোন বলা হবে । ওরা হলো লৌকিক ভাই - বোন ।

তাই বাবা বলেন - বাম্বারা, পাঁচ হাজার বছর পূর্বের মতো তোমরা বুদ্ধির যোগ লাগাও, তাহলেই তোমাদের বিকর্ম বিনাশ হয়ে যাবে। পাপও ভস্ম হয়ে যাবে। বাবার স্মরণকেই যোগ অগ্নি বলা হয়। এই সর্বশক্তিমান বাবার স্মরণে থাকলে তোমরা শক্তি পাবে। সেই এক নিরাকার বাবা এই ব্রহ্মা মুখের দ্বারা শোনান। অবশ্যই তো রথের প্রয়োজন, যেই রথের উপর উনি অধিষ্ঠান করবেন। ইনি হলেন রথ, এনার মধ্যে পরমপিতা পরমাত্মা অধিষ্ঠান করে বাম্বাদের শিক্ষা দেন। তিনি এই সৃষ্টির আদি - মধ্য এবং অন্তের রহস্য বুঝিয়ে বলেন, যাতে তোমরা ভবিষ্যতে চক্রবর্তী রাজা - রাণী হতে পারবে, আর নিরন্তর স্মরণ করার কারণে বিকর্মজিত হতে পারবে, পবিত্র পুণ্য আত্মাও হয়ে যাবে। বাবা যে স্বর্গ স্থাপন করেন, তোমরা সেই স্বর্গের চক্রবর্তী মহারাজা - মহারানী হয়ে যাবে, তাও ২১ জন্মের জন্য, আর ভারতে যে সব উৎসব হয় - শিব জয়ন্তী, হোলী, রাখী, জন্মাষ্টমী, দিওয়ালি আদি, এইসব উৎসবের গুরুত্ব আর প্রত্যেকটি উৎসবের বায়োগ্রাফি আমরা তোমাদের শোনাচ্ছি। এসো বোন - ভাইয়েরা, আমরা তোমাদের পারলৌকিক বাবার পরিচয় দেবো। এই পরিচয় পেয়ে সহজ রাজযোগ শিখে তোমরা এই বিশ্বের মালিক হবে। ওয়ার্ল্ড অলমাইটি, পবিত্রতা - সুখ - শান্তিময় - অটল - অখণ্ড রাজ্য করবে। এ কথা কাউকে বোঝানো খুবই সহজ। এই রীতিতে লিখতেও হবে। বাবার বোঝানো এই রহস্য আমরা তোমাদের বোঝাবো। বাবার বাম্বা হলে তবেই তো অবিনাশী আশীর্বাদী বর্ষা মিলবে, তাই না। তোমরাও বেহদের বাবার কাছে এসে বেহদের আশীর্বাদী বর্ষা নাও। জন্মে জন্মে তো হদের (লৌকিক) বর্ষা নিয়ে এসেছো। সে হলো দুঃখের বর্ষা কারণ এ হলো রাবণ রাজ্য। রামরাজ্যে সদা সুখ ছিলো। তারপর মায়া রাবণের রাজ্যে তোমরা দুঃখী হয়ে গেছো। এ কথা তো তোমরা যে কোনো কাউকেই বুঝিয়ে বলতে পারো। জনসাধারণের ভাষণেও তোমরা বুঝিয়ে বলতে পারো। উঁচুর থেকে উঁচু হলো ভগবান। এরপর ব্রহ্মা, বিষ্ণু, শঙ্কর, তারপর তাঁদের মহিমা। গায়নও আছে যে ব্রহ্মার দ্বারা স্থাপনা। তাহলে অবশ্যই তিনি স্থূল বতনে থাকবেন। ব্রাহ্মণরা হলো ব্রহ্মার সন্তান। তাঁকেই প্রজাপিতা বলা হয়। প্রথমদিকে ব্রাহ্মণ বর্ণের প্রয়োজন। উঁচুর থেকে উঁচু হলো ব্রাহ্মণ বর্ণ। এই বর্ণ কে স্থাপন করেন? পরমপিতা পরমাত্মা। সকলেই এই পিতার সন্তান। তিনি ব্রহ্মার দ্বারা এই ব্রহ্মাকুমার - কুমারীদের বসে পড়ান। এই সঙ্গম যুগ হলো ব্রাহ্মণদের পুরী। এরপর রুদ্রপুরীতে গিয়ে বিষ্ণুপুরীতে আসে। যারা নিরন্তর স্মরণ করবে তারাই প্রথমে রুদ্র মালাতে আসবে। সূর্যবংশী - চন্দ্রবংশী রাজা তো হয়, তাই না। তাই এই সময় পরমপিতা পরমাত্মার দ্বারা রাজযোগ শিখলে রাজপদ পায়। বাবা বলেন যে, আমি তোমাদের বাবা, নিরন্তর আমাকে স্মরণ করো, বুদ্ধির যোগ আমার সাথে যুক্ত করো। এ হলো রুহানী যাত্রা। জন্ম - জন্মে তোমরা তো শরীরের যাত্রা করে এসেছো, এখন বাবা এসে তোমাদের রুহানী যাত্রা শেখান। তিনি বলেন - আমাকে স্মরণ করো, আর তোমাদের সুইট হোমকে স্মরণ করো, যেখান থেকে তোমরা অভিনয় করতে এসেছো। তোমরা গোরা ছিলে, এই বিশ্বে রাজত্ব করতে, এরপর তোমরা কাম চিতায় বসে কালো হয়ে গেছো, সুন্দর থেকে শ্যাম হয়ে গেছো। ভারত খুব সুন্দর ছিলো। নামই ছিলো স্বর্গ, এখন তো নরক হয়ে গেছে, তাই না। তোমরাই পূজ্য থেকে পূজারী হও, তখন উঁচুর থেকে উঁচু ভগবান শিব আবার ব্রহ্মা, বিষ্ণু, শঙ্কর এঁদের দ্বারা বাবার কার্য করান। এনাদের তিনি নিমিত্ত করেছেন। তিনি তো করাওনহার, তাই না। ভারতকে স্বর্গ বানানোর জন্য তিনি ব্রহ্মার দ্বারা রাজযোগ শেখান। বাবা বলেন যে - আমি এই রাজযোগ শিখিয়ে তোমাদের সম্পূর্ণ করবো, তারপর বিনাশ হবে। তারপর যার যার পুরুষার্থ অনুসারে, বাবা যে নতুন দুনিয়া স্থাপন করেন সেখানে গিয়ে রাজত্ব করবে। সমস্ত কিছুই পুরুষার্থের উপর নির্ভর করে। মানুষ বলে যে গঙ্গা পতিত - পাবনী, তাহলে পরমাত্মাকে ডাকে কেন যে, --হে পতিত পাবন এসো? তাই পূজারী ভক্তদের তো ভক্তির ফল পাওয়া চাই, তাই না। স্বর্গে তোমরা

জীবনমুক্তির ফল পাও, আর সবাই পায় শান্তির ফল । স্বর্গে সুখ - শান্তি দুইই ছিলো, সবাই সুখী ছিলো যারা রাজযোগ শিখেছিলো । বিকর্ম তো বিনাশ করতেই হবে, হিসেব - নিকেশও শোধ করতে হবে । তারপর আবার নতুনভাবে অভিনয় করতে হবে । সকলের হিসেব - নিকেশ শোধ করিয়ে, পবিত্র বানিয়ে বাবা সাথে করে নিয়ে যান । এইসব রহস্যই বোঝার ।

মানুষ যখন ভগবানকে স্মরণ করে, তখন ভগবানকে অবশ্যই এই সৃষ্টিতে আসতে হয় । তিনি বলেন, আমি এই সৃষ্টিতে এসে ভক্তদের ভক্তির ফল দিই । আমি মুক্তি বা জীবনমুক্তি, শান্তি বা সুখ দিই । মানুষ দুনিয়াতে সুখ, শান্তি আর সম্পত্তিই চায় । মানুষ তো সম্পত্তির জন্যই পুরুষার্থ করে যাতে ধনবান হতে পারে । তারা মনে করে যে সম্পত্তিতেই সুখ কিন্তু যার যতই সম্পত্তি থাকুক না কেন, এ তো মায়ার রাজ্য । যেহেতু পতিত দুনিয়া তাই পাপ অবশ্যই হয়ে যাবে । মানুষ সম্পত্তির জন্য অনেক পাপ করে । এ হলোই পাপাত্মাদের দুনিয়া । এখানে কোনো পুণ্য আত্মাই নেই । পুণ্য আত্মাদের দুনিয়ায় কোনো পাপাত্মা থাকে না । যথা রাজা রানী তথা প্রজা সকলেই পুণ্য আত্মা হয় সেখানে । এই পতিত দুনিয়াতে পবিত্র দেবী দেবতাদের রাজারাও পূজো করে, কেননা তারা মনে করে - ঐরা সর্বগুণ সম্পন্ন । আমাদের মধ্যে কোনো গুণ নেই ----আমাদের দয়া করুন ---- আবার তারা বলে --আমরাই ভগবান । পতিতদের পবিত্র তো একমাত্র বাবাই করেন । পতিত - পাবন বলাতে বুদ্ধি এক নিরাকার ভগবানের দিকেই চলে যাওয়া উচিত । নিরাকারেরও তো ভক্ত হয় । তাই এই নিরাকার বাবা হলেন উঁচুর থেকেও উঁচু, যতক্ষণ না তাঁর সম্পূর্ণ পরিচয় পাবে, কিভাবে উপাসনা করবে ? যদিও বলে পরমপিতা পরমাত্মা শিব । নিরাকারের ভক্তও তো হয় । যারা নিরাকারকে স্মরণ করে কিন্তু তিনি কে ? সম্পূর্ণ পরিচয় তো চাই । নিরাকারকে কেন স্মরণ করবে ? এতে কি পাবে ? তাহলে কি নিরাকারী দুনিয়ায় যাবে ? আত্মাদের তো নিরাকারী দুনিয়াতে যাওয়ার পথ জানা নেই । যদিও সবাই স্মরণ করে কিন্তু পরিচয় ছাড়া । এইভাবে স্মরণ করলে তো কেউই পবিত্র হবে না । এখানে তো নিরাকার নিজেই সাকারে আসেন । মানুষ তো নিরাকারী দুনিয়াতে যাওয়ার জন্য কতো শাস্ত্র ইত্যাদি পড়ে কিন্তু কেউই যেতে পারে না । পথ তো কেউই জানে না । শরীরের যাত্রা করায় যে পান্ডারা, তারা রাস্তা জানে, তাই তারা নিয়ে যায় । এখানে এই রাস্তা কেউই জানে না, যে বোঝাবে । তাই বলে থাকে - ঈশ্বর অন্তহীন, তাহলে কিভাবে স্মরণ করবে ? কিছুই বুঝতে পারে না । কেউ বলে অন্তহীন, কেউ বলে নিরাকার, তাই নিরাকারের ভক্ত হয় । আজকাল তো আবার বলে দেয়, আমিই সেই । দিন - প্রতিদিন তমোপ্রধান মত হয়ে যাচ্ছে । যেই আসে, সেই বলতে থাকে । বাবা বোঝান যে - উঁচুর থেকেও উঁচু বাবা, এমন গায়ন আছে । সর্বব্যাপী বললে তো সবাই উঁচুর থেকে উঁচু হয়ে যায় । এত পতিত - দুঃখী, তারা উঁচুর থেকে উঁচু কিভাবে হবে । একদিকে বলে, নাম রূপ থেকে পৃথক, আবার বলে দেয় তিনি নুড়ি - পাথরেও আছেন, একেই বলা হয় ধর্মের গ্লানি । এখন আবার বলে আমিই পরমাত্মা । এখন যা কিছুই অতীত হয়ে গেছে, সবই ড্রামা । তা আবারও হবে । ভুলের পরে ভুল, গ্লানির পরে গ্লানি করতে করতে ভারত এমন পতিত হয়ে গেছে । বাবার পরিচয় তো সবাইকে পেতে হবে । এত ব্রহ্মাকুমার - কুমারীদের দ্বারা জ্ঞান পাওয়া যাবে যে তোমাদের প্রভাব আসতে থাকবে । এ তো বরাবর পরমপিতা পরমাত্মারই কথা । সবার থেকে উঁচু হলেন পরমপিতা পরমাত্মা, তাঁর মহিমা অনেক, যার কোনো পারাবার নেই । বাবা এখন বসে নিজের পরিচয় দিচ্ছেন --আমি কি করি ? আমি এসে সমস্ত পাপ আত্মাদের পুণ্য আত্মা বানাই, রাজযোগ শেখাই । এমন গায়নও আছে যে, ঈশ্বরের গতি - মতি কেউ বুঝতে পারে না । তাহলে তো তিনি অবশ্যই যখন এখানে আসবেন, তখনই তো মত দেবেন, তাই না । ক্রাইস্টের আত্মা এসেছিলো খৃষ্টান ধর্ম

স্থাপন করতে । বাবার মত তো সবার থেকে আলাদা । এই বাবা তো হলেন সবার থেকে উঁচু । ভারতে মানুষের মধ্যে শ্রেষ্ঠর থেকেও শ্রেষ্ঠ দেবী - দেবতারা ডবল মুকুটধারী হয়েছিলেন । বাবারই হলো শ্রীমত । ভগবান উবাচঃ ---আমি তোমাদের রাজযোগ শেখাই, যা আর কেউই শেখাতে পারে না । লেখা আছে ভগবান উবাচঃ । তিনি হলেন হেভেনলী গড ফাদার, যিনি স্বর্গের স্থাপনা করেন, স্বর্গের জন্য তোমাদের অর্থাৎ ব্রাহ্মণদের রাজযোগ শেখান । ব্রাহ্মণ বর্ণ সবথেকে উঁচু । বাবা সেবার অনেক যুক্তি বলে দেন । কেউ যদি গালিও দেয়, তোমরা চিত্র রেখে দিও, তাতে লেখা থাকবে যে, এই বর্ণে ভারতই আসে । এখন হলো কলিযুগ, শূদ্র বর্ণ । এরপর তোমরা বাবার দ্বারা ব্রাহ্মণ হয়েছো । তোমাদের নাম হলো ব্রহ্মাকুমার - ব্রহ্মাকুমারী । তোমাদের চিত্র এমন হওয়া উচিত যে মানুষ যেন আশ্চর্য হয়ে যায় যে, এমন চিত্র তো কোথাও দেখি নি । এই জ্ঞান ব্যবসায়ী বুদ্ধি সম্পন্ন মানুষ খুব ভালোভাবে বুঝতে পারে । এই ব্যবসাও খুব ভালো । তাই এই শ্রীমত দানকারীও সর্বোত্তম কিন্তু অনেক বাচ্চারাই পরিশ্রম করে না । ঘরে শুয়ে থাকলে বাবা আবার খাড়া করে দেন । তোমরা এক চিত্র বানাও, এতে হাজার মানুষের কল্যাণ হবে, সবাই তোমাদের বাহ - বাহ করবে । "বন্দে মাতরম্" বলবে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১ ) রুদ্র মালাতে এক নম্বরে আসার জন্য নিরন্তর বাবার স্মরণে থাকতে হবে । বাবা এবং সুইট হোমের স্মরণে নিজেকে পবিত্র বানাতে হবে ।

২ ) রুহানী পান্ডা হয়ে সবাইকে প্রকৃত যাত্রা করাতে হবে । এক বাবার শ্রীমতে নিজেকে ডবল মুকুটধারী বানাতে হবে ।

বরদান : - অমৃতবেলা থেকে নিয়ে রাত পর্যন্ত মর্যাদাপূর্বক চলে মর্যাদা পুরুষোত্তম ভব

সঙ্গমযুগের মর্যাদাই পুরুষোত্তম বানায় তাই বলা হয় মর্যাদা পুরুষোত্তম । তমোগুণী বায়ুমণ্ডল, ভাইব্রেশনের থেকে রক্ষা পাওয়ার সহজ সাধন হলো এই মর্যাদা । মর্যাদার ভিতরে যারা থাকে, তারা পরিশ্রম থেকে বেঁচে যায় । প্রতি পদেই বাপদাদার দ্বারা মর্যাদা পাওয়া গেছে, সেই অনুযায়ী কদম ওঠালেই স্বতঃই মর্যাদা পুরুষোত্তম হয়ে যায় । তাই অমৃতবেলা থেকে রাত পর্যন্ত মর্যাদাপূর্বক জীবন হলেই বলা হবে পুরুষোত্তম অর্থাৎ সাধারণ পুরুষ থেকে উত্তম আস্ত্রা ।

স্লোগান : - যে মানুষ যে কোনো বিষয়ে নিজেকে মোল্ড করে নিতে পারে, সেই সকলের আশীর্বাদের পাত্র হয় ।